

ქალაქ რუსთავის მუნიციპალიტეტის პრიორიტეტების დოკუმენტი

2019-2022 წლებისათვის

თავი I

შესავალი

ზოგადი ინფორმაცია ქალაქ რუსთავის მუნიციპალიტეტის შესახებ

- ✓ ქალაქ რუსთავის მუნიციპალიტეტი ქვემო ქართლის რეგიონული ცენტრია, ქვეყნის მასშტაბით 5 თვითმმართველი ქალაქიდან ერთ-ერთი;
- ✓ რუსთავის ფართობი 60 კმ² არის, რაც რეგიონის საერთო ტერიტორიის 1%-ია, ხოლო ქვეყნის ფართობის 0.1% უჭირავს.
- ✓ მუნიციპალიტეტი 127.8 ათას მოსახლეს ითვლის, რაც რეგიონში მცხოვრები მოსახლეობის 30%-ია, ხოლო ქვეყნის მოსახლეობის - 3%.
- ✓ ქალაქში მცხოვრებელთაგან 66.3 ათასი ქალია, ხოლო 61.0 ათასი კაცი; 0-5 წლამდე ასაკის ბავშვები - 10.4 ათასია; სკოლის ასაკის ბავშვების რაოდენობა - 24.2 ათასია და ასაკით პენსიონერთა რაოდენობა - 9.1 ათ. ადამიანია;
- ✓ მოსახლეობის სიმჭიდროვის მიხედვით ქალაქში 1 კვ.კმ-ზე 2.1 ათასი მოსახლე მოდის;
- ✓ ქალაქის მასშტაბით სოციალურად დაუცველთა რაოდენობა N ადამიანს ითვლის;
- ✓ ქალაქ რუსთავის მუნიციპალიტეტის მიმდინარე წლის ბიუჯეტი 47 353.7 ათას ლარს შეადგენს.

ქალაქ რუსთავის მუნიციპალიტეტის პრიორიტეტების დოკუმენტი წარმოადგენს მუნიციპალიტეტის განვითარების ერთ-ერთ ძირითად დოკუმენტს, რომელიც ასახავს ინფორმაციას საშუალოვადიანი სამოქმედო გეგმის შესახებ, ანუ მასში გათვალისწინებულია ძირითადი პრიორიტეტები და მიმართულებები გასული, მიმდინარე, დასაგეგმი და დასაგეგმის შემდგომი სამი წლისათვის.

2019 წლისთვის, ისევე როგორც 2017-2018 წლებში შემუშავდა 2019–2022 წლების საშუალოვადიანი სამოქმედო გეგმა, ჩამოყალიბდა მუნიციპალიტეტის განვითარების ძირითადი მიმართულებები და გამოიკვეთა ბიუჯეტში გასათვალისწინებელი პრიორიტეტები და პროგრამები. პრიორიტეტული მიმართულებები შემდეგია:

- ინფრასტრუქტურისა და მუნიციპალური კომუნალური სერვისების განვითარება.
- განათლება.
- კულტურა, ახალგაზრდობის ხელშეწყობა და სპორტი.
- ჯანმრთელობის დაცვა და სოციალური უზრუნველყოფა.
- წარმომადგენლობითი და ადმინისტრაციული ორგანოები.

სწორედ ამ პრიორიტეტების გათვალისწინებით მოხდა ქალაქ რუსთავის მუნიციპალიტეტის 2018 წლის ბიუჯეტის დაგეგმვა, რომელიც ასახავს მუნიციპალიტეტის განვითარების პრიორიტეტულ მიმართულებებს და საკუთარი უფლებამოსილების ფარგლებში იმ პრობლემების გადაწყვეტის მიზნით გასატარებელ ღონისძიებებს, რომელიც ყველაზე აქტუალურია საზოგადოებისათვის.

თავი II

ნაწილი I

შემოსავლების და ხარჯების აგრეგირებული მაჩვენებლები

2019-2022 წლების შემოსულობების პროგნოზი

საპროგნოზო გათვლებით 2019-2022 წლებში ბიუჯეტში მობილიზებული თანხების მოცულობას ზრდის ტენდენცია ექნება. 2019 წლისათვის ბიუჯეტის შემოსულობების საპროგნოზო მაჩვენებელი 38 823,9 ათასი ლარის ოდენობით განისაზღვრება. აქედან შემოსავლების საპროგნოზო მაჩვენებლები 38 173,9 ათასი ლარი იქნება, მათ შორის: გადასახადების წილი 33 362,9 ათას ლარს გაუტოლდება (ქონების გადასახადი 11 800,0 ათასი ლარი იქნება, ხოლო დამატებითი ღირებულების გადასახადიდან 21 562,9 ათასი ლარი), გრანტების საპროგნოზო მაჩვენებელი 500,0 ათასი ლარი იქნება (მიზნობრივი ტრანსფერი), ხოლო სხვა შემოსავლების წილი 4 311,0 ათასი ლარი, არაფინანსური აქტივებიდან მისაღები თანხების მოცულობა 650,0 ათასი ლარია ნავარაუდები.

ქალაქ რუსთავის მუნიციპალიტეტის ბიუჯეტის გადასახდელების დაფინანსების წყაროს წარმოადგენს ბიუჯეტის შემოსულობები (38 823,9 ათასი ლარი) და მუნიციპალიტეტის ანგარიშებზე არსებული (ბიუჯეტის პროექტში გათვალისწინებული) სახსრები (ნაშთი - 2 200,4 ათასი ლარი).

ქალაქ რუსთავის მუნიციპალიტეტის პრიორიტეტების მოცულობები 2017-2022 წლებში

ათასი ლარი

N	დასახელება	2017 წლის ფაქტი	2018 წლის გეგმა	2019 წლის პროექტი	2020 წლის პროგნოზი	2021 წლის პროგნოზი	2022 წლის პროგნოზი
1	ინფრასტრუქტურის განვითარება	12 096,1	17 730,2	9 342,3	11 659,1	13 345,3	14 037,1
2	განათლება	7 109,8	7 445,6	7 998,7	8 596,4	10 449,0	11 627,0
3	კულტურა, ახალგაზრდობის ხელშეწყობა და სპორტი	6 272,2	6 351,7	7 099,5	7 499,8	8 350,2	9 686,9
4	დასუფთავება და გარემოს დაცვა	4 490,3	4 652,9	5 097,7	5 076,7	5 580,5	6 118,6
5	ჯანმრთელობის დაცვა და სოციალური უზრუნველყოფა	3 381,6	3 535,1	3 851,5	4 289,1	4 343,6	4 415,6
6	მმართველობა და საერთო დანიშნულება	7 005,5	7 638,3	7 634,6	7 534,5	8 936,0	8 972,3

ბიუჯეტის ძირითადი მაჩვენებლები 2017-2022 წლებში

ათასი ლარი

დასახელება	2017 წლის ფაქტი	2018 წლის გეგმა	2019 წლის პროექტი	2020 წლის პროგნოზი	2021 წლის პროგნოზი	2022 წლის პროგნოზი
შემოსავლები	37 779,1	42 595,5	38 173,9	43 955,6	50 254,6	54 057,5
გადასახადები	14 092,3	13 600,0	33 362,9	38 953,6	44 932,6	48 505,5
გრანტები	17 758,7	23 650,9	500,0	500,0	500,0	500,0
სხვა შემოსავლები	5 928,1	5 344,6	4 311,0	4 502,0	4 822,0	5 052,0

დასახელება	2017 წლის ფაქტი	2018 წლის გეგმა	2019 წლის პროექტი	2020 წლის პროგნოზი	2021 წლის პროგნოზი	2022 წლის პროგნოზი
ხარჯები	30 181,1	31 968,0	34 893,8	37 435,4	41 628,5	44 727,0
შრომის ანაზღაურება	3 540,0	3 778,0	13 658,4	15 011,5	17 494,0	18 403,5
საქონელი და მომსახურება	3 060,6	3 484,1	13 223,2	13 565,4	14 645,7	15 530,6
პროცენტი	294,5	326,8	165,1	87,2	53,8	40,0
სუბსიდიები	17 854,9	18 799,6	1 975,6	2 089,5	2 156,5	2 223,9
გრანტები	3,3	4,0	4,0	4,0	4,0	4,0
სოციალური უზრუნველყოფა	2 541,9	2 950,9	3 206,4	3 433,1	3 451,8	3 462,6
სხვა ხარჯები	2 885,8	2 624,5	2 661,1	3 244,8	3 822,7	5 062,4
საოპერაციო სალდო	7 598,0	10 627,5	3 280,1	6 520,2	8 626,1	9 330,5
არაფინანსური აქტივების ცვლილება	6 522,5	13 802,0	4 669,1	6 069,5	8 399,8	9 233,0
ზრდა	8 095,8	14 602,0	5 319,1	6 769,5	9 149,8	10 033,0
კლება	1 573,3	800,0	650,0	700,0	750,0	800,0
მთლიანი სალდო	1 075,5	-3 174,5	-1 389,0	450,7	226,3	97,5
ფინანსური აქტივების ცვლილება	-1 003,1	-3 958,2	-2 200,4	0,0	0,0	0,0
ზრდა	3 938,4	0,0	0,0	0,0	0,0	0,0
ვალუტა და დეპოზიტები	3 938,4	0,0	0,0			
კლება	4 941,6	3 958,2	2 200,4	0,0	0,0	0,0
ვალუტა და დეპოზიტები	4 941,6	3 958,2	2 200,4			
ვალდებულებების ცვლილება	-2 078,6	-783,8	-811,4	-450,7	-226,3	-97,5
კლება	2 078,6	783,8	811,4	450,7	226,3	97,5
საშინაო	2 078,6	783,8	811,4	450,7	226,3	97,5
ბალანსი	0,0	0,0	0,0	0,0	0,0	0,0

ნაწილი II

გასული და მიმდინარე წლის ბიუჯეტების შესრულება

ქალაქ რუსთავის მუნიციპალიტეტის 2017 წლის ბიუჯეტის შესრულების მაჩვენებლები

2017 წელს ბიუჯეტში შემოსავლების სახით მობილიზებული იყო 37 779,1 ათ. ლარი, რაც საპროგნოზო მაჩვენებლის 101 პროცენტია.

გადასახადების სახით მობილიზებულია 14 092,3 ათ. ლარი, რაც საპროგნოზო მაჩვენებლის 101 პროცენტია, მათ შორის:

- საშემოსავლო გადასახადის სახით მობილიზებულია 2 576,4 ათ. ლარი, რაც საპროგნოზო მაჩვენებლის (3 700,0 ათ. ლარი) 70 პროცენტია.
- საქართველოს საწარმოთა ქონებაზე (გარდა მიწისა) გადასახადის სახით მობილიზებულია 6 852,5 ათ. ლარი, რაც საპროგნოზო მაჩვენებლის (7 700,0 ათ. ლარი) 89 პროცენტია.
- უცხოურ საწარმოთა ქონებაზე (გარდა მიწისა) გადასახადის სახით შემოსულია 28,1 ათ. ლარი, რაზეც საპროგნოზო მაჩვენებელი არ ყოფილა განსაზღვრული.
- ფიზიკურ პირთა ქონებაზე (გარდა მიწისა) გადასახადის სახით მობილიზებულია 163,6 ათ. ლარი, რაც საპროგნოზო მაჩვენებლის (50,0 ათ. ლარი) 327 პროცენტია.
- სასოფლო-სამეურნეო დანიშნულების მიწაზე გადასახადის სახით მობილიზებულია 12,5 ათ. ლარი, რაზეც საპროგნოზო მაჩვენებელი არ ყოფილა განსაზღვრული.
- არასასოფლო-სამეურნეო დანიშნულების მიწაზე გადასახადის სახით მობილიზებულია 4 459,1 ათ. ლარი, რაც საპროგნოზო მაჩვენებლის (2 450,0 ათ. ლარი) 182 პროცენტია.

გრანტების სახით მობილიზებულია 17 758,7 ათ. ლარი, რაც საპროგნოზო მაჩვენებლის 97 პროცენტია, მათ შორის:

- საერთაშორისო ორგანიზაციებიდან და სხვა ქვეყნის მთავრობიდან მიღებული გრანტების სახით მობილიზებულია 152,3 ათ. ლარი, რაც საპროგნოზო მაჩვენებლის 24 პროცენტია.
- გათანაბრებითი ტრანსფერის სახით მობილიზებულია 10 693,8 ათ. ლარი, რაც საპროგნოზო მაჩვენებლის (11 093,8 ათ. ლარი) 100 პროცენტია.
- მიზნობრივი ტრანსფერის სახით მობილიზებულია 500,0 ათ. ლარი, რაც საპროგნოზო მაჩვენებლის (500,0 ათ. ლარი) 100 პროცენტია.
- რეგიონებში განსახორციელებელი პროექტების ფონდიდან მობილიზებულია 6 412,7 ათ. ლარი, რაც საპროგნოზო მაჩვენებლის (7 891,0 ათ. ლარი) 96 პროცენტია.

სხვა შემოსავლების სახით მობილიზებულია 5 928,1 ათ. ლარი, რაც საპროგნოზო მაჩვენებლის (5 233,9 ათ. ლარი) 113 პროცენტია (იხ. ცხრილი 1).

ცხრილი 1. სხვა შემოსავლები

დასახელება	ათასი ლარი		
	გეგმა	ფაქტი	%
სხვა შემოსავლები	5 233,9	5 928,1	113
შემოსავლები საკუთრებიდან	655,0	620,5	95
პროცენტები	500,0	250,9	50
დივიდენდები	15,0	27,0	180
რენტა	140,0	342,6	245
მოსაკრებელი ბუნებრივი რესურსებით სარგებლობისათვის	80,0	263,6	329

დასახელება	გეგმა	ფაქტი	%
შემოსავალი მიწის იჯაროდან და მართვაში (უზურფრუქტი, ქირავნობა და სხვა) გადაცემიდან	60,0	79,0	132
საქონლისა და მომსახურების რეალიზაცია	3 128,9	3 723,5	119
ადმინისტრაციული მოსაკრებლები და გადასახდელები	3 108,9	3 672,4	118
სანებართვო მოსაკრებელი	100,0	72,4	72
საჯარო ინფორმაციის ასლის გადაღების მოსაკრებელი		0,1	
სამხედრო სავალდებულო სამსახურის გადავადების მოსაკრებელი		2,0	
სათამაშო ბიზნესის მოსაკრებელი	2 108,9	2 720,1	129
ადგილობრივი მოსაკრებელი დასახლებული ტერიტორიის დასუფთავებისათვის	900,0	877,8	98
არასაბაზრო წესით გაყიდული საქონელი და მომსახურება	20,0	51,1	255
შემოსავლები მომსახურების გაწევიდან	20,0	51,1	255
ჯარიმები, სანქციები და საურავები	1 100,0	1 153,0	105
შერეული და სხვა არაკლასიფიცირებული შემოსავლები	350,0	431,1	123

არაფინანსური აქტივების კლებიდან მობილიზებულ იქნა 1 573,3 ათ. ლარი, რაც საპროგნოზო მაჩვენებლის (2 500,0 ათ. ლარი) 63 პროცენტია, სადაც უმეტესი წილი მიწის გაყიდვის შემოსავლიდან არის.

2017 წელს ადგილობრივი ბიუჯეტით გამოყოფილი ასიგნებები სხვადასხვა სფეროების მიხედვით შემდეგნაირად გადანაწილდა:

- *განათლება, დასვენება, კულტურა და რელიგია – 13 284,6 ათ. ლარი;*
- *საბინაო-კომუნალური მეურნეობა – 7 240,6 ათ. ლარი;*
- *ეკონომიკური საქმიანობა – 5 712,8 ათ. ლარი;*
- *ჯანმრთელობისა და სოციალური დაცვა – 3 064,4 ათ. ლარი;*
- *გარემოს დაცვა – 2 672,1 ათ. ლარი;*
- *თავდაცვა – 235,9 ათ. ლარი.*

➤ 2017 წლის განმავლობაში სკოლამდელი აღზრდის დაწესებულებებზე გაწეულმა წლიურმა ხარჯმა შეადგინა 6 652,4 ათ. ლარი.

➤ განათლების სფეროს ფარგლებში დაფინანსდა შეზღუდული შესაძლებლობების მქონე პირთა ცენტრი (361,0 ათ. ლარი), სადაც რეაბილიტაციის კურსს გადის 220-მდე ბენეფიციარი.

➤ სპორტისა და კულტურის სფეროში დაფინანსდა სასპორტო და სახელოვნებო გაერთიანებები და მათ მიერ გამართული სპორტული თუ კულტურული ღონისძიებები რაზეც მთლიანობაში გახარჯულ იქნა 6 271,2 ათ. ლარი.

➤ ჩატარდა გზების სარემონტო სამუშაოები, რომელთა მოცულობამ შეადგინა 129,4 ათ. მ² მიერთებებისა და ტროტუარების რეაბილიტაციის ჩათვლით. შესრულებულ იქნა 5 200,3 ათ. ლარის სამუშაო.

➤ განხორციელდა შენობების სახურავების გადახურვა საერთო ფართობით 40,1 ათ. მ², რომლის შესრულებული სამუშაოების ფაქტიური ღირებულება - 1 124,7 ათ. ლარი იყო.

- 2016 წლის განმავლობაში დაგეგმილ იქნა სხვადასხვა სახის სარემონტო და მომსახურების ტიპის სამუშაოები, რომელთა განხორციელებისათვის დაიხარჯა 2 679,3 ათ. ლარი.
- დაფინანსდა რუსთავის ტერიტორიაზე მცხოვრები მოსახლეობის სხვადასხვა ფენებისათვის შეღავათებითა და სოციალური დახმარებებით უზრუნველყოფა; სახელმწიფო ბიუჯეტიდან გამოყოფილი მიზნობრივი ტრანსფერის ფარგლებში კანონმდებლობით გათვალისწინებული სარიტუალო მომსახურების ხარჯები; მოხუცებულთა, მიუსაფართა და სოციალურად დაუცველთა კვებით და საცხოვრებელი ფართით უზრუნველყოფა; დემოგრაფიული მდგომარეობის გაუმჯობესების მიზნით მრავალშვილიანი ოჯახების დახმარება და სხვა სოციალურ ღონისძიებები, რომლებზეც მთლიანობაში დაიხარჯა 2 828,5 ათ. ლარი.
- ქალაქის დასუფთავებაზე, კერძოდ გათავისუფლება საყოფაცხოვრებო ნარჩენებისა და ქუჩების მონახვეტისაგან და საერთო ჯამში ბიუჯეტიდან დაიხარჯა 2 640,0 ათ. ლარი.

ქალაქ რუსთავის მუნიციპალიტეტის 2018 წლის ბიუჯეტის 9 თვის შესრულების მაჩვენებლები

2018 წლის იანვარ-სექტემბერში ბიუჯეტში შემოსავლების სახით მობილიზებულია 28 472,6 ათ. ლარი, რაც წლიური საპროგნოზო მაჩვენებლის 67 პროცენტია.

გადასახადების სახით მობილიზებულია 10 508,2 ათ. ლარი, რაც საპროგნოზო მაჩვენებლის 77 პროცენტია, მათ შორის:

- საშემოსავლო გადასახადის სახით მობილიზებულია 2 570,8 ათ. ლარი, რაც საპროგნოზო მაჩვენებლის (2 300 ათ. ლარი) 112 პროცენტია.
- საქართველოს საწარმოთა ქონებაზე (გარდა მიწისა) გადასახადის სახით მობილიზებულია 7 672,6 ათ. ლარი, რაც საპროგნოზო მაჩვენებლის (7 500,0 ათ. ლარი) 102 პროცენტია.
- უცხოურ საწარმოთა ქონებაზე (გარდა მიწისა) გადასახადის სახით შემოსულია 23,1 ათ. ლარი, რაზეც საპროგნოზო მაჩვენებელი არ ყოფილა განსაზღვრული.
- ფიზიკურ პირთა ქონებაზე (გარდა მიწისა) გადასახადის სახით მობილიზებულია 8,5 ათ. ლარი, რაც საპროგნოზო მაჩვენებლის (100,0 ათ. ლარი) 9 პროცენტია.
- სასოფლო-სამეურნეო დანიშნულების მიწაზე გადასახადის სახით შემოსულია 5,0 ათ. ლარი, რაზეც საპროგნოზო მაჩვენებელი არ ყოფილა განსაზღვრული.
- არასასოფლო-სამეურნეო დანიშნულების მიწაზე გადასახადის სახით მობილიზებულია 228,0 ათ. ლარი, რაც საპროგნოზო მაჩვენებლის (3 700,0 ათ. ლარი) 6 პროცენტია.

გრანტების სახით მობილიზებულია 13 743,5 ათ. ლარი, რაც საპროგნოზო მაჩვენებლის 58 პროცენტია, მათ შორის:

- საერთაშორისო ორგანიზაციებიდან და სხვა ქვეყნის მთავრობიდან მიღებული გრანტების სახით მობილიზებულია 58,8 ათ. ლარი, რაც საპროგნოზო მაჩვენებლის (46,2 ათ. ლარი) 127 პროცენტია.
- გათანაბრებითი ტრანსფერის სახით მობილიზებულია 11 213,1 ათ. ლარი, რაც საპროგნოზო მაჩვენებლის (14 950,3 ათ. ლარი) 75 პროცენტია.
- მიზნობრივი ტრანსფერის სახით მობილიზებულია 375,3 ათ. ლარი, რაც საპროგნოზო მაჩვენებლის (500.0 ათ. ლარი) 75 პროცენტია.
- რეგიონებში განსახორციელებელი პროექტების ფონდიდან მობილიზებულია 2 096,3 ათ. ლარი, რაც საპროგნოზო მაჩვენებლის (8 154,5 ათ. ლარი) 26 პროცენტია.

სხვა შემოსავლების სახით მობილიზებულია 4 220,9 ათ. ლარი, რაც საპროგნოზო მაჩვენებლის (5 344,6 ათ. ლარი) 79 პროცენტია (იხ. ცხრილი 2).

ცხრილი 2. სხვა შემოსავლები

ათასი ლარი

დასახელება	გეგმა	ფაქტი	%
სხვა შემოსავლები	5 344,6	4 220,9	79
შემოსავლები საკუთრებიდან	465,0	402,8	115
პროცენტები	200,0	226,0	113
დივიდენდები	35,0	9,5	27
რენტა	230,0	167,3	73
მოსაკრებელი ბუნებრივი რესურსებით სარგებლობისათვის	150,0	95,4	64
შემოსავალი მიწის იჯარაიდან და მართვაში (უზურფრუქტი, ქირავნობა და სხვა) გადაცემიდან	80,0	71,9	90
საქონლისა და მომსახურების რეალიზაცია	3 551,3	2 241,8	63
ადმინისტრაციული მოსაკრებლები და გადასახდელები	3 521,3	2 206,4	63
სანებართვო მოსაკრებელი	70,2	31,0	44
საჯარო ინფორმაციის ასლის გადაღების მოსაკრებელი		0,0	
სამხედრო სავალდებულო სამსახურის გადავადების მოსაკრებელი	1,0	1,0	100
სათამაშო ბიზნესის მოსაკრებელი	2 500,0	1 534,6	61
ადგილობრივი მოსაკრებელი დასახლებული ტერიტორიის დასუფთავებისათვის	950,1	639,8	67
არასაბაზრო წესით გაყიდული საქონელი და მომსახურება	30,0	35,4	118
შემოსავლები მომსახურების გაწევიდან	30,0	35,4	118
ჯარიმები, სანქციები და საურავები	1 100,0	1 299,4	118
შერეული და სხვა არაკლასიფიცირებული შემოსავლები	228,3	277,0	121

არაფინანსური აქტივების კლებიდან მობილიზებულ იქნა 629,1 ათ. ლარი, რაც წლიური საპროგნოზო მაჩვენებლის (800.0 ათ. ლარი) 79 პროცენტია, სადაც უმეტესი წილი მიწის გაყიდვის შემოსავლიდან არის.

2018 წლის 9 თვისათვის ადგილობრივი ბიუჯეტით გამოყოფილი ასიგნებები სხვადასხვა სფეროების მიხედვით შემდეგნაირად გადანაწილდა:

- *განათლება, დასვენება, კულტურა და რელიგია – 8 763,2 ათ. ლარი;*
- *ეკონომიკური საქმიანობა – 4 293,2 ათ. ლარი;*
- *გარემოს დაცვა – 3 630,5 ათ. ლარი;*
- *საბინაო-კომუნალური მეურნეობა – 2 823,9 ათ. ლარი;*
- *ჯანმრთელობისა და სოციალური დაცვა – 2 374,3 ათ. ლარი;*
- *თავდაცვა – 181,8 ათ. ლარი.*

- 2018 წლის ოქტომბრამდე სკოლამდელი აღზრდის დაწესებულებებზე გაწეულმა ხარჯმა შეადგინა 4 287,2 ათ. ლარი.
- განათლების სფეროს ფარგლებში დაფინანსდა შეზღუდული შესაძლებლობების მქონე პირთა ცენტრი (250,9 ათ. ლარი), სადაც რეაბილიტაციის კურსს გადის 220–მდე ბენეფიციარი.
- სპორტისა და კულტურის სფეროში დაფინანსდა სასპორტო და სახელოვნებო გაერთიანებები და მათ მიერ გამართული სპორტული თუ კულტურული ღონისძიებები, ასევე სპორტული და კულტურული ინფრასტრუქტურის მოწესრიგება, რაზეც მთლიანობაში გახარჯულია 4 225,1 ათ. ლარი.
- 2018 წლის 9 თვის განმავლობაში საგზაო ინფრასტრუქტურის მოსაწესრიგებლად რეაბილიტირებულია 3 735.7 ათ. ლარის ღირებულების გზა.
- მიმდინარეობს რუსთავის ტერიტორიაზე მცხოვრები მოსახლეობის სხვადასხვა ფენებისათვის შეღავათებითა და სოციალური დახმარებებით უზრუნველყოფა რისთვისაც 9 თვის ხარჯი შეადგენს 2 198,2 ათ. ლარს.
- ქალაქის დასუფთავებისათვის, კერძოდ გათავისუფლება საყოფაცხოვრებო ნარჩენებისა და ქუჩების მონახვეტისაგან, ქალაქის ბიუჯეტიდან მოხმარებულია 3 569,9 ათ. ლარი.

თავი III

ქალაქ რუსთავის მუნიციპალიტეტის 2019-2022 წლების პრიორიტეტების, პროგრამების, მათი აღწერის, მოსალოდნელი შედეგებისა და შეფასების ინდიკატორები

1. ინფრასტრუქტურის განვითარება (პროგრამული კოდი 02 00)

ქალაქ რუსთავის მუნიციპალიტეტის ეკონომიკური განვითარებისათვის აუცილებელი პირობაა მუნიციპალური ინფრასტრუქტურის შემდგომი გაუმჯობესება და აღნიშნული მიმართულება ბიუჯეტის ერთ-ერთ მთავარ პრიორიტეტს წარმოადგენს. პრიორიტეტის ფარგლებში დაფინანსდება საგზაო, სანიაღვრე, გარე განათებისა და ავარიული შენობების სარეაბილიტაციო სამუშაოები, ბინათმესაკუთრეთა ამხანაგობების პროგრამები, ქალაქში სხვადასხვა ინფრასტრუქტურული ღონისძიებები, მუნიციპალური ავტოტრანსპორტის განვითარების ხელშეწყობა, ასევე სამომავლო სარეაბილიტაციო ობიექტების საპროექტო დოკუმენტაციების მომზადებისა და ექსპერტიზის ხარჯები.

პროგრამ. კოდი	დასახელება	2019 წლის პროექტი	2020 წლის პროგნოზი	2021 წლის პროგნოზი	2022 წლის პროგნოზი
02 00	ინფრასტრუქტურის განვითარება	9 342,3	11 659,1	13 345,3	14 037,1
02 01	საგზაო ინფრასტრუქტურის განვითარება	3 568,2	2 580,7	2 331,9	1 520,3
02 01 01	გზებისა და ტროტუარების კაპიტალური შეკეთება	2 948,5	1 448,8	1 078,9	800,0
02 01 02	გზებისა და ტროტუარების მიმდინარე შეკეთება	400,0	500,0	500,0	350,0
02 01 03	საგზაო ნიშნები და უსაფრთხოება	219,7	431,9	753,0	370,3
02 01 04	საქალაქო ტრანსპორტის გაჩერებებზე საინფორმაციო ტაბლოების მოწყობა/რეაბილიტაცია	0,0	200,0	0,0	0,0
02 02	წყლის სისტემების განვითარება	102,9	2 104,5	1 609,7	1 616,2
02 02 01	სანიაღვრე სისტემების ექსპლოატაცია/რეაბილიტაცია	102,9	2 104,5	1 609,7	1 616,2
02 03	გარე განათება	1 513,7	2 062,1	2 322,3	2 387,5
02 03 01	გარე განათების ქსელის ექსპლოატაცია	1 513,7	1 462,1	1 522,3	1 387,5
02 03 02	კაპიტალური დაბანდება გარე განათების სფეროში	0,0	600,0	800,0	1 000,0
02 04	მშენებლობა, ავარიული ობიექტების და შენობების რეაბილიტაცია	735,6	1 712,8	1 850,0	1 750,0
02 04 01	საცხოვრებელი და არასაცხოვრებელი შენობების რეაბილიტაცია	178,9	1 012,8	1 150,0	1 100,0
02 04 02	საცხოვრებელი შენობების სახურავების რეაბილიტაცია	556,7	700,0	700,0	650,0
02 05	ბინათმესაკუთრეთა ამხანაგობების განვითარება	1 920,0	1 731,0	1 641,0	1 596,0
02 06	კეთილმოწყობის ღონისძიებები	415,4	298,0	1 340,4	1 767,1
02 06 01	საზოგადოებრივი სივრცეების მოწყობა-რეაბილიტაცია, ექსპლოატაცია	221,9	78,0	665,4	487,1
02 06 02	შენობების ფასადების რეაბილიტაცია	127,5	150,0	600,0	1 200,0
02 06 03	სადღესასწაულო ღონისძიებების ტექნიკური უზრუნველყოფა	66,0	70,0	75,0	80,0
02 07	მუნიციპალური ავტოტრანსპორტის განვითარება	830,0	900,0	950,0	1 000,0

პროგრამ. კოდი	დასახელება	2019 წლის პროექტი	2020 წლის პროგრამა	2021 წლის პროგრამა	2022 წლის პროგრამა
02 08	საპროექტო-სახარჯთაღრიცხვო დოკუმენტაციის შექმნა	56,5	70,0	500,0	1 100,0
02 09	საპროექტო დოკუმენტაციისა და სამშენებლო სამუშაოების ტექნიკური ზედამხედველობა და ექსპერტიზა	200,0	200,0	800,0	1 300,0

1.1 საგზაო ინფრასტრუქტურის განვითარება (პროგრამული კოდი 02 01)

პროგრამის ფარგლებში განხორციელდება ქ. რუსთავეში არსებული რეაბილიტირებული ცენტრალური გზების მდგომარეობის შენარჩუნება, მოვლა-პატრონობა, ასევე ახალი და შიდაკვარტალური მისასვლელი გზების რეაბილიტაცია.

1.1.1 გზებისა და ტროტუარების კაპიტალური შეკეთება (პროგრამული კოდი 02 01 01)

ქვეპროგრამის ფარგლებში დაგეგმილია ქალაქში არსებული ქუჩებისა და ტროტუარების რეაბილიტაცია, კერძოდ: მარცხენა და მარჯვენა სანაპიროს ეზოების ასფალტ/საფარის რეაბილიტაცია. ასევე რეგიონის განვითარების ფონდიდან დასაფინანსებელი პროექტები.

1.1.2 გზებისა და ტროტუარების მიმდინარე შეკეთება (პროგრამული კოდი 02 01 02)

ქვეპროგრამის ფარგლებში განხორციელდება არსებული გზების ორმული დამუშავება ქალაქის მასშტაბით.

1.1.3 საგზაო ნიშნები და უსაფრთხოება (პროგრამული კოდი 02 01 03)

მაღალი საზოგადოებრივი მოთხოვნილების გათვალისწინებით ქვეპროგრამის ფარგლებში დაგეგმილია ქალაქში სხვადასხვა ლოკაციებზე ე.წ. „მწოლიარე პოლიციელების“ მოწყობა, ქუჩების დახაზვა და საგზაო ნიშნების მონტაჟი. ასევე საგზაო მოძრაობის წესების მეტი კონტროლის უზრუნველსაყოფად დასრულდება სათვალთვალო „ჭკვიანი“ კამერების მონტაჟი.

1.2 წყლის სისტემების განვითარება (პროგრამული კოდი 02 02)

პროგრამის ფარგლებში თავდაპირველად გათვალისწინებულია ქალაქის პრობლემურ უბნებზე სანიაღვრე სისტემების მოწესრიგება და მოვლა-პატრონობა.

1.3 გარე განათება (პროგრამული კოდი 02 03)

პროგრამის ფარგლებში დაფინანსდება გარე განათების ელ. ენერჯის ხარჯი, ქალაქის ცენტრალურ და შემდგომ შიდაკვარტალურ გზებზე არსებული ნათურები შეიცვლება ეკო-ნათურებით, რაც ქალაქის გარე განათების ელ. ენერჯის ხარჯს მნიშვნელოვნად დაზოგავს. რეაბილიტირებულ გზებზე და შიდა კვარტალურ ეზოებში სანათი წერტილების მოვლა-პატრონობა.

1.4 მშენებლობა, ავარიული ობიექტების და შენობების რეაბილიტაცია (პროგრამული კოდი 02 04)

პროგრამის ფარგლებში განხორციელდება საცხოვრებელი და არასაცხოვრებელი შენობების რეაბილიტაცია, გაძლიერება-გამაგრება და სახურავების აღდგენა.

1.4.1 საცხოვრებელი და არასაცხოვრებელი შენობების რეაბილიტაცია (პროგრამული კოდი 02 04 01)

ქალაქში ეტაპობრივად გაგრძელდება ავარიული სახლების გამაგრება-გაძლიერების სამუშაოები, რაც ქვეპროგრამის ძირითად მიზანს წარმოადგენს, იგეგმება, როგორც საცხოვრებელი, ისე მუნიციპალური შენობების რეაბილიტაცია.

1.4.2 საცხოვრებელი შენობების სახურავების რეაბილიტაცია (პროგრამული კოდი 02 04 02)

ქვეპროგრამის ფარგლებში დაგეგმილია საცხოვრებელი შენობების დაზიანებული სახურავების ეტაპობრივი რეაბილიტაცია.

1.5 ბინათმესაკუთრეთა ამხანაგობების განვითარება (პროგრამული კოდი 02 05)

პროგრამის ფარგლებში დაგეგმილია საზოგადოებრივი აქტივობების ხელშეწყობა, სამოქალაქო პრიორიტეტული მიმართულებების განსაზღვრა, მიზნობრივი პროგრამების განხორციელებაში მოქალაქეთა მონაწილეობის უზრუნველყოფა. პროგრამაში მოსახლეობის ჩართულობის პრინციპით განხორციელდება მრავალსართულიანი საცხოვრებელი კორპუსების მოწესრიგება, რომლის ფარგლებში გაიცემა წახალისებები კვარტალში ერთხელ წარმატებულ ბინათმესაკუთრეთა ამხანაგობების თავმჯდომარეებზე. დაფინანსების ფარგლებში იგეგმება არსებული საბავშვო მოედნების აღდგენა-რეაბილიტაცია.

1.6 კეთილმოწყობის ღონისძიებები (პროგრამული კოდი 02 06)

პროგრამის ფარგლებში ფინანსდება სკვერების რეაბილიტაცია/კეთილმოწყობა, შენობების ფასადების რეაბილიტაცია, სადღესასწაულო დღეების ფარგლებში ქალაქის გაფორმების ხარჯები.

1.6.1 საზოგადოებრივი სივრცეების მოწყობა-რეაბილიტაცია, ექსპლოატაცია (პროგრამული კოდი 02 06 01)

ქვეპროგრამის მიზანია ქალაქის იერსახის გაუმჯობესებასთან დაკავშირებით სკვერებისა და რეკრეაციული ზონების კეთილმოწყობა.

1.6.2 შენობების ფასადების რეაბილიტაცია (პროგრამული კოდი 02 06 02)

ქვეპროგრამის ფარგლებში იგეგმება რუსთავში არსებული ძველი ისტორიული შენობების იერსახის შენარჩუნება/აღდგენა.

1.6.3 სადღესასწაულო ღონისძიებების ტექნიკური უზრუნველყოფა (პროგრამული კოდი 02 06 03)

ქვეპროგრამის ფარგლებში განხორციელდება სადღესასწაულო დღეებში ქალაქის გასაფორმებელი აქსესუარებისა და განათებების მონტაჟი.

1.7 მუნიციპალური ავტოტრანსპორტის განვითარება (პროგრამული კოდი 02 07)

პროგრამის ფარგლებში დოკტაიური პრინციპით ფინანსდება შპს „რუსთავის მუნიციპალური ავტოტრანსპორტის საწარმო“, რომელიც უზრუნველყოფს შიდასაქალაქო ავტობუსებით მგზავრთა გადაყვანას. მიუხედავად იმისა, რომ ავტობუსების პარკი საჭიროებს გადახალისებას, არსებული საშუალებებით ხდება მათი ექსპლოატაცია და პროგრამის ძირითადი მიზანი შიდასაქალაქო ტრანსპორტით მოსარგებლე მოსახლეობისათვის არსებული ტარიფის შენარჩუნებაა, რასაც მნიშვნელოვანი სოციალური დატვირთვა გააჩნია.

1.8 საპროექტო-სახარჯთაღრიცხვო დოკუმენტაციის შექმნა (პროგრამული კოდი 02 08)

პროგრამის ფარგლებში დაფინანსდება, მოსახლეობის მოთხოვნების გათვალისწინებით, სამომავლო განსახორციელებელი ინფრასტრუქტურული პროექტების სახარჯთაღრიცხვო დოკუმენტაციის შექმნის ხარჯები.

1.9 საპროექტო დოკუმენტაციისა და სამშენებლო სამუშაოების ტექნიკური ზედამხედველობა და ექსპერტიზა (პროგრამული კოდი 02 09)

პროგრამის ძირითადი ხარჯი მიმართულია საპროექტო დოკუმენტაციის ექსპერტიზის და მიმდინარე სამშენებლო სამუშაოების ტექნიკური ზედამხედველობის მომსახურების უზრუნველყოფისათვის.

2. დასუფთავება და გარემოს დაცვა (პროგრამული კოდი 03 00)

მუნიციპალიტეტის ტერიტორიაზე მრავალდ არის სამრეწველო ობიექტები, აქედან გამომდინარე დიდ მნიშვნელობას იძენს ქალაქის ეკოლოგიური მდგომარეობის გაუმჯობესებისათვის ზრუნვა; მწვანე საფარის ინტენსიური ზრდა და არსებულის მოვლა-პატრონობა ერთ-ერთი მნიშვნელოვანი ფაქტორია ქალაქის განვითარებისათვის, ამასთან ერთად

უსაფრთხო გარემო და სანიტარული მდგომარეობის ყოველწლიური გაუმჯობესება წარმოადგენს ერთ-ერთ პრიორიტეტს.

პროგრამ. კოდი	დასახელება	2019 წლის პროექტი	2020 წლის პროგნოზი	2021 წლის პროგნოზი	2022 წლის პროგნოზი
03 00	დასუფთავება და გარემოს დაცვა	5 097,7	5 076,7	5 580,5	6 118,6
03 01	დასუფთავება და ნარჩენების გატანა	3 290,7	3 155,5	3 469,5	3 822,5
03 02	მწვანე ნარგავების მოვლა-პატრონობა, განვითარება	1 653,4	1 750,2	1 920,5	2 085,8
03 03	უპატრონო ცხოველების ოპერირება	153,6	171,0	190,5	210,3

2.1 დასუფთავება და ნარჩენების გატანა (პროგრამული კოდი 03 01)

პროგრამის ფარგლებში ფუნქციონირებს ა(ა)იპ „რუსთავსერვის ცენტრი“, რომელიც უზრუნველყოფს ქალაქის ყოველდღიურ დაგვა-დასუფთავებას და ნარჩენების გატანის მომსახურების გაწევას.

2.2 მწვანე ნარგავების მოვლა-პატრონობა, განვითარება (პროგრამული კოდი 03 02)

პროგრამას ახორციელებს ა(ა)იპ „რუსთავსერვის ცენტრი“, რომელიც უზრუნველყოფს ქალაქის მასშტაბით მწვანე ნარგავების მოვლა-პატრონობას (მორწყვა, მოთიბვა და გადაბეღვა) და ახალი ხე-მცენარეების დარგვას. პროგრამის ფარგლებში იგეგმება მოსახლეობის ჩართულობით მწვანე ნარგავების მოვლა-პატრონობა და საამისოდ ტარდება სხვადასხვა მასშტაბური აქტივობები ქალაქში.

2.3 უპატრონო ცხოველების ოპერირება (პროგრამული კოდი 03 03)

უსაფრთხო გარემოს უზრუნველყოფის მიზნით პროგრამის ფარგლებში დაგეგმილია უპატრონო ცხოველების ოპერირების ღონისძიების დაფინანსება. აღნიშნული პროგრამის ფარგლებში ასევე ხორციელდება უპატრონო ცხოველთა ვაქცინაცია და აღრიცხვა.

3. განათლება (პროგრამული კოდი 04 00)

მომავალი თაობების აღზრდის მიმართულებით დაწყებით და ზოგად განათლებასთან ერთად მნიშვნელოვანი როლი ენიჭება სკოლამდელ განათლებას, რაც თვითმმართველი ერთეულის საკუთარ უფლებამოსილებებს განეკუთვნება და შესაბამისად ერთ-ერთ პრიორიტეტს წარმოადგენს, რომლის ფარგლებში მომდევნო წლებში განხორციელდება საბავშვო ბაღების ფუნქციონირებისათვის საჭირო ხარჯების დაფინანსება, განსაკუთრებული ყურადღება ენიჭება ბავშვთა კვების რაციონს, ასევე ეტაპობრივად მიმდინარეობს ბაღების ინფრასტრუქტურის რეაბილიტაცია და შესაბამისი ინვენტარით უზრუნველყოფა.

პროგრამ. კოდი	დასახელება	2019 წლის პროექტი	2020 წლის პროგნოზი	2021 წლის პროგნოზი	2022 წლის პროგნოზი
04 00	განათლება	7 998,7	8 596,4	10 449,0	11 627,0
04 01	სკოლამდელი დაწესებულებების ფუნქციონირება	7 400,0	7 749,5	8 081,0	8 458,0
04 02	სკოლამდელი დაწესებულებების რეაბილიტაცია, მშენებლობა	125,7	130,0	1 200,0	1 500,0
04 03	შეზღუდული შესაძლებლობების მქონე პირთა ხელშეწყობა	473,0	467,0	468,0	469,0
04 04	საშუალო სკოლების ინფრასტრუქტურის მოწყობა/რეაბილიტაცია	0,0	249,9	700,0	1 200,0

3.1 სკოლამდელი დაწესებულებების ფუნქციონირება (პროგრამული კოდი 04 01)

პროგრამას ახორციელებს ააიპ „რუსთავის ბაგა-ბაღების გაერთიანება“; ქალაქში ამ ეტაპზე ფუნქციონირებს 20 საბავშვო ბაღი, სადაც სკოლამდელ განათლებას იღებს 6 490 ბავშვი. საბავშვო ბაღებში რეაბილიტირების ჩატარების შემდეგ დაგეგმილია დამატებითი ჯგუფების გახსნა რის შედეგადაც ბავშვების რაოდენობა გაიზრდება. ახალი ტექნიკური რეგლამენტის შესაბამისად გაუმჯობესდება კვების რაციონი.

3.2 სკოლამდელი დაწესებულებების რეაბილიტაცია, მშენებლობა (პროგრამული კოდი 04 02)

პროგრამის ფარგლებში დაგეგმილია ქალაქში არსებული სკოლამდელი დაწესებულებების სრული/ნაწილობრივი ინფრასტრუქტურული რეაბილიტაცია, რომელიც მოიცავს შიდა ფართის მიმდინარე რემონტს და შემოღობვით სამუშაოებს.

3.3 შეზღუდული შესაძლებლობების მქონე პირთა ხელშეწყობა (პროგრამული კოდი 04 03)

პროგრამის ფარგლებში ფინანსდება ააიპ „შეზღუდული შესაძლებლობების მქონე პირთა ცენტრი“, სადაც რეაბილიტაციის კურსს გაივლის 220-მდე ბენეფიციარი. განსაკუთრებული ყურადღება ექცევა ადრეულ ასაკში საჭიროების მქონე პირთა ლოგოპედურ, ფსიქოლოგიურ, პედაგოგიურ დიაგნოსტიკას და სისტემატიური კონტროლის, ჩატარებულ თერაპიას, რის შედეგადაც უმჯობესდება ბენეფიციართა ჯანმრთელობის მდგომარეობა და ეტაპობრივად იზრდება საჯარო სკოლებში განსაკუთრებული საჭიროების მქონე ბავშვების ჩართულობის რაოდენობა.

3.4 საშუალო სკოლების ინფრასტრუქტურის მოწყობა/რეაბილიტაცია (პროგრამული კოდი 04 04)

პროგრამის ფარგლებში დაგეგმილია ქალაქ რუსთავის მუნიციპალიტეტის ტერიტორიულ საზღვრებში მდებარე საჯარო სკოლების ინფრასტრუქტურის მოწესრიგება/რეაბილიტაცია.

4. კულტურა, რელიგია ახალგაზრდობის ხელშეწყობა და სპორტი (პროგრამული კოდი 05 00)

ინფრასტრუქტურული და ეკონომიკური განვითარების პარალელურად აუცილებელია ხელი შეეწყოს კულტურული ტრადიციების დაცვას და ღირსეულ გაგრძელებას. ამასთანავე, ერთ-ერთი პრიორიტეტია ახალგაზრდების მრავალმხრივი განვითარების ხელშეწყობა და მათში ცხოვრების ჯანსაღი წესის დამკვიდრება. შესაბამისად, თვითმმართველობა განაგრძობს წარმატებული სპორტსმენებისა და ხელოვანების ხელშეწყობას და შესაბამისი პირობების შექმნას, რათა ნიჭიერმა ბავშვებმა და ახალგაზრდებმა შეძლონ მათი შესაძლებლობების გამოვლინება.

პროგრამ. კოდი	დასახელება	2019 წლის პროექტი	2020 წლის პროგნოზი	2021 წლის პროგნოზი	2022 წლის პროგნოზი
05 00	კულტურა, ახალგაზრდობა და სპორტი	7 099,5	7 499,8	8 350,2	9 686,9
05 01	სპორტის სფეროს განვითარება	3 058,5	3 005,0	3 228,5	4 249,9
05 01 01	სპორტული დაწესებულებების ხელშეწყობა	1 045,6	1 086,5	1 103,5	1 120,9
05 01 02	სპორტული ღონისძიებების დაფინანსება	992,8	1 168,5	1 375,0	1 629,0
05 01 03	სპორტული და საბავშვო ობიექტების აღჭურვა, რეაბილიტაცია, მშენებლობა	1 020,1	750,0	750,0	1 500,0
05 02	კულტურის სფეროს განვითარება	3 571,4	3 961,1	4 521,2	4 811,0
05 02 01	კულტურის სფეროს დაწესებულებების ხელშეწყობა	2 713,4	3 032,8	3 456,2	3 689,5
05 02 02	კულტურული ღონისძიებების განხორციელება	808,0	913,3	949,0	1 103,5
05 02 03	კულტურული ობიექტების აღჭურვა, რეაბილიტაცია, მშენებლობა	40,0	0,0	100,0	0,0

პროგრამ. კოდი	დასახელება	2019 წლის პროექტი	2020 წლის პროგნოზი	2021 წლის პროგნოზი	2022 წლის პროგნოზი
05 02 04	რელიგიური კონფესიების ხელშეწყობა	10,0	15,0	16,0	18,0
05 03	ახალგაზრდობის მხარდაჭერა	469,6	533,8	600,5	626,0
05 03 01	ახალგაზრდობის მხარდამჭერი ღონისძიებები	369,6	430,8	497,5	523,0
05 03 02	ინიციატივების თანადაფინანსება	100,0	103,0	103,0	103,0

4.1 სპორტის განვითარების ხელშეწყობა (პროგრამული კოდი 05 01)

პროგრამის ფარგლებში განხორციელდება სხვადასხვა სპორტული ორგანიზაციების და კლუბების ფინანსური მხარდაჭერა, რათა მათ ქონდეთ შესაძლებლობა უზრუნველყონ სპორტსმენებისათვის სავარჯიშოდ შესაბამისი პირობების შექმნა და ნიჭიერი სპორტსმენების წახალისება.

4.2 სპორტის სფეროს განვითარება (პროგრამული კოდი 05 01)

პროგრამის ფარგლებში განხორციელდება სხვადასხვა სპორტული ორგანიზაციების და კლუბების ფინანსური მხარდაჭერა, რათა მათ ქონდეთ შესაძლებლობა უზრუნველყონ სპორტსმენებისათვის სავარჯიშოდ შესაბამისი პირობების შექმნა და ნიჭიერი სპორტსმენების წახალისება.

4.2.1 სასპორტო დაწესებულებების ხელშეწყობა (პროგრამული კოდი 05 01 01)

ქვეპროგრამა მოიცავს საკალათბურთო (შპს „რუსთავი 1991“) და სარაგბო (ააიპ „რუსთავის ხარები“) კლუბების ფინანსურ მხარდაჭერას.

4.2.2 სპორტული ღონისძიებების დაფინანსება (პროგრამული კოდი 05 01 02)

ქვეპროგრამას ახორციელებს ა(ა)იპ „სახელოვნებო, სპორტისა და ახალგაზრდობის განვითარების ცენტრი“, რომელიც უზრუნველყოფს სპორტული ღონისძიებების ორგანიზებასა და ჯანსაღი ცხოვრების წესის პროპაგანდას ქალაქის მაცხოვრებლებში.

4.2.3 სპორტული და საბავშვო ობიექტების აღჭურვა, რეაბილიტაცია, მშენებლობა (პროგრამული კოდი 05 01 03)

ქვეპროგრამის ფარგლებში ხორციელდება საბავშვო გასართობი ატრაქციონების საბავშვო მოედნების მოწყობა-რეაბილიტაცია და ასევე განხორციელდება ქალაქში არსებული სპორტული კომპლექსების რეაბილიტაცია და მოედნების მოწყობა/რეაბილიტირება.

4.3 კულტურის სფეროს განვითარება (პროგრამული კოდი 05 02)

კულტურული ტრადიციების დაცვის მიზნით პროგრამის ფარგლებში გაგრძელდება სხვადასხვა კულტურული დაწესებულებების ფინანსური მხარდაჭერა, ასევე განხორციელდება სხვადასხვა კულტურული ღონისძიებები, მათ შორის სადღესასწაულო დღეებში სხვადასხვა გასართობი და სანახაობრივი აქტივობები.

4.3.1 კულტურის სფეროს დაწესებულებების ხელშეწყობა (ქვეპროგრამის კოდი 05 02 01)

ქვეპროგრამის ფარგლებში ფინანსდება:

- ა(ა)იპ „სახელოვნებო, სპორტისა და ახალგაზრდობის განვითარების ცენტრი“, რომელიც აერთიანებს სახელოვნებო და სასპორტო სკოლებს რომლებშიც თავმოყრილია ადგილობრივი ანსამბლები, 3 მუსიკალური, 1 ხელოვნებისა და 1 სამხატვრო სკოლა, სადაც სწავლობს 1000-ზე მეტი მოსწავლე; ასევე 4 სპორტულ სკოლას და 1300-ზე მეტ სპორტსმენს. ზემოხსენებული ა(ა)იპ-ი უზრუნველყოფს სადღესასწაულო, კულტურული და სპორტული ღონისძიებების მოწყობას. ხელს უწყობს ახალგაზრდა თაობის მეტ ჩართულობას ქალაქის ყოველდღიურ საქმიანობასა და მის განვითარებაში.

- ა(ა)იპ „გ. ლორთქიფანიძის სახელობის რუსთავის თეატრის“ მიერ ორგანიზებული ღონისძიებების დაფინანსებას, როგორცაა: მხატვრული აღზრდის პროპაგანდა, ყველა თაობის ნიჭიერ შემოქმედთა ხელშეწყობა, ეროვნული თეატრალური ხელოვნების განვითარება, პოპულარიზაცია, ტრადიციების აღორძინება; გაამძაფროს საზოგადოების ინტერესი თეატრალური ხელოვნებისადმი და მოიზიდოს ყველა თაობის მაცურებელი.
- ა(ა)იპ „რუსთავის ისტორიული მუზეუმის“ დაფინანსებას, რომელიც სისტემატიურად მოიპოვებს, იცავს, იკვლევს, პოპულარიზაციას უწევს და გამოფენს ადამიანთა და მათი საარსებო გარემოს ამსახველ ნივთიერ მასალას; შეისწავლის მათ, განათლების, საზოგადოებისათვის ცოდნის გაცემის და ესთეტიური სიამოვნების მინიჭების მიზნით; მუზეუმი აღვივებს საზოგადოების თვითშეგნებას პატრიოტული სულისკვეთებით.
- ა(ა)იპ „რუსთავის საბიბლიოთეკო გაერთიანება“, რომელიც აერთიანებს 3 ბიბლიოთეკას, სადაც ხდება ბიბლიოგრაფიული და საინფორმაციო მუშაობის ხელშეწყობა, წიგნადი ფონდების შევსება დაკომპლექტება და სრული აღრიცხვა, ყველა ასაკის მკითხველის მომსახურება საჭირო ინფორმაციით და საბიბლიოთეკო დოკუმენტებით.

4.3.2 კულტურული ღონისძიებების განხორციელება (ქვეპროგრამის კოდი 05 02 02)

ქვეპროგრამას ახორციელებს ა(ა)იპ „სახელოვნებო, სპორტისა და ახალგაზრდობის განვითარების ცენტრი“, რომელიც უზრუნველყოფს კულტურული-სადღესასწაულო ღონისძიებების ორგანიზებასა და მოქალაქეთა ჩართულობას მსგავს აქტივობებში.

4.3.3 კულტურული ობიექტების აღჭურვა, რეაბილიტაცია, მშენებლობა (ქვეპროგრამის კოდი 05 02 03)

ქვეპროგრამის ფარგლებში იგეგმება რუსთავში არსებული კულტურული ობიექტების სარეაბილიტაციო სამუშაოები, რაც გულისხმობს მათი იერსახის გაუმჯობესებას და მყუდრო/სასიამოვნო გარემოს შექმნას ქალაქის სხვადასხვა ლოკაციებზე.

4.3.4 რელიგიური კონფესიების ხელშეწყობა (ქვეპროგრამის კოდი 05 02 04)

ქვეპროგრამა ითვალისწინებს სხვადასხვა კონფესიების მხარდაჭერას კომუნალური მომსახურებების ნაწილში.

4.4 ახალგაზრდობის მხარდაჭერა (პროგრამული კოდი 05 03)

პროგრამა მომართულია ქალაქის მომავალი თაობის განვითარების ხელშეწყობასა და მხარდაჭერაზე, სხვადასხვა ღონისძიებებში მონაწილეობისათვის საჭირო პირობების შექმნაზე.

4.4.1 ახალგაზრდობის მხარდამჭერი ღონისძიებები (ქვეპროგრამის კოდი 05 03 01)

ქვეპროგრამას ახორციელებს ა(ა)იპ „სახელოვნებო, სპორტისა და ახალგაზრდობის განვითარების ცენტრი“, რომელიც ახალგაზრდული ღონისძიებების ჩატარებასა და მომავალი თაობის მეტ ჩართულობას უზრუნველყოფს საზოგადოებრივ, სპორტულ თუ კულტურულ ცხოვრებაში.

4.4.2 ინიციატივების თანადაფინანსება (ქვეპროგრამის კოდი 05 03 02)

ქვეპროგრამა ითვალისწინებს რუსთავში რეგისტრირებულ ახალგაზრდა (29 წლამდე) ინიციატორთა ან/და ადგილობრივი არასამთავრობო ორგანიზაციების პროექტების თანადაფინანსება (არაუმეტეს 50%), საერთაშორისო დაფინანსების (უცხოური გრანტები) მოზიდვის შემთხვევაში, რომელშიც გათვალისწინებული იქნება მუნიციპალიტეტის ექსკლუზიური უფლებამოსილებები.

5. მოსახლეობის ჯანმრთელობის დაცვა და სოციალური უზრუნველყოფა (პროგრამული კოდი 06 00)

მოსახლეობის ჯანმრთელობის დაცვის ხელშეწყობა და მათი სოციალური დაცვა ერთ-ერთ მთავარ პრიორიტეტს წარმოადგენს. თვითმმართველობა არსებული რესურსების ფარგლებში განაგრძობს სოციალურად დაუცველი მოსახლეობის სხვადასხვა დახმარებებითა და შეღავათებით უზრუნველყოფას. ერთიანი სახელმწიფო პოლიტიკის ფარგლებში გაგრძელდება საზოგადოებრივი ჯანმრთელობის დაცვის მიზნით ადგილობრივ დონეზე სხვადასხვა ღონისძიებების განხორციელება, რაც უზრუნველყოფს არა მხოლოდ ქალაქის, არამედ მთელი ქვეყნის მოსახლეობის ჯანმრთელობის დაცვას სხვადასხვა გადამდები და ინფექციური დაავადებებისაგან.

პროგრამ. კოდი	დასახელება	2019 წლის პროექტი	2020 წლის პროგნოზი	2021 წლის პროგნოზი	2022 წლის პროგნოზი
06 00	ჯანმრთელობის დაცვა და სოციალური უზრუნველყოფა	3 851,5	4 289,1	4 343,6	4 415,6
06 01	ჯანმრთელობის დაცვა	293,0	293,0	293,0	293,0
06 01 01	საზოგადოებრივი ჯანმრთელობისა და უსაფრთხო გარემოს უზრუნველყოფა	293,0	293,0	293,0	293,0
06 02	სოციალური უზრუნველყოფა	3 558,5	3 996,1	4 050,6	4 122,6
06 02 01	მინიმალური სასურსათო კვების დაფინანსება	1 065,0	1 190,0	1 190,0	1 190,0
06 02 02	სარიტუალო მომსახურებები	5,6	5,6	5,6	5,6
06 02 03	შეღვათი სასმელი წყლის გადასახადზე	80,0	80,0	80,0	80,0
06 02 04	შეღვათები მუნიციპალურ ტრანსპორტზე	292,0	292,5	293,0	293,0
06 02 05	ინდივიდუალური დახმარებების პროგრამები	690,0	738,5	737,5	736,5
06 02 06	უხუცეს მოქალაქეთა დახმარება	1,5	1,5	1,5	1,5
06 02 07	რუსთავის მოხუცებულთა სახლის ხელშეწყობა	410,6	601,5	639,5	690,5
06 02 08	მოქალაქეთა მედიკამენტებით დახმარება	205,0	205,0	205,0	205,0
06 02 09	მრავალშვილიანი ოჯახების დახმარება	300,0	350,0	355,0	360,0
06 02 10	საბრძოლო მოქმედებებში მონაწილეთა და მათთან გათანაბრებულ პირთა ოჯახების მატერიალური დახმარება	21,8	21,5	21,5	21,5
06 02 11	შეზღუდული შესაძლებლობების მქონე პირთა დახმარება	321,0	326,0	331,0	336,0
06 02 12	სტუდენტთა სოციალური დახმარება	80,0	92,0	93,0	94,0
06 02 13	სოციალური დახმარებების პროგრამა	40,0	45,0	50,0	60,0
06 02 14	სახელმწიფო ზრუნვის სისტემიდან გასული ახალგაზრდების დამოუკიდებელი ცხოვრების მხარდაჭერის პროგრამა	6,0	7,0	8,0	9,0
06 02 15	დიალიზით დაავადებულთა დახმარების პროგრამა	40,0	40,0	40,0	40,0

5.1 ჯანმრთელობის დაცვა (პროგრამული კოდი 06 01)

პროგრამა ითვალისწინებს სახელმწიფო ბიუჯეტიდან გამოყოფილი მიზნობრივი ტრანსფერის ფარგლებში „საზოგადოებრივი ჯანმრთელობის შესახებ“ საქართველოს კანონით განსაზღვრული ფუნქციების დაფინანსებას, კერძოდ:

- არსებობის შემთხვევაში ცოფის კერის ლიკვიდაცია და დაკბენილი მოსახლეობის ზუსტი აღრიცხვა, სასწრაფო შეტყობინების სისტემის დახვეწა და გაუმჯობესება;
- დაავადებათა გავრცელების ეტაპობრივი შემცირება მისი კონტროლის გზით. ეპიდსიტუაციის გამწვავების დროული გამოვლენის ხელშეწყობა და მათზე სწრაფი რეაგირება, პროფილაქტიკურ ღონისძიებათა გატარება;

- ქალაქის მოსახლეობაში არაგადამდებ დაავადებათა პრევენციის და ჯანმრთელობაზე მავნე ფაქტორების ზემოქმედებაზე მოსახლეობის ინფორმირების გზით ჯანმრთელობის დაცვის ხელშეწყობა;
- სადერატიზაციო სამუშაოების ჩატარება საცხოვრებელი სახლების სარდაფებსა და ბუნკერებში (კერძო სექტორის გარდა) და ამის საფუძველზე ქალაქში ეპიდსიტუაციის გაუმჯობესება;
- ჯანმრთელობისათვის მნიშვნელოვანი ინფექციური და არაგადამდები დაავადებებისა და მასობრივი მოშხამვების, აგრეთვე პროფესიული დაავადებების თავიდან აცილება;
- ქალაქში არსებული სანიტარულ-ჰიგიენური მდგომარეობის მონიტორინგი, მოსახლეობისათვის ჯანსაღი გარემოს შექმნის ხელშეწყობის მიზნით რუსთავის დასახლებულ ტერიტორიებზე ადამიანისათვის საშიში და შხამიანი ცხოველების ცხოველმყოფელობის დადგენისა და გაუვნებელყოფის ღონისძიებები.

5.2 სოციალური უზრუნველყოფა (პროგრამული კოდი 06 02)

პროგრამა ითვალისწინებს ქალაქ რუსთავის ტერიტორიაზე მცხოვრები მოსახლეობის სხვადასხვა ფენებისათვის შეღავათებითა და სოციალური დახმარებებით უზრუნველყოფას. სახელმწიფო ბიუჯეტიდან გამოყოფილი მიზნობრივი ტრანსფერის ფარგლებში კანონმდებლობით გათვალისწინებული სარიტუალო მომსახურების ხარჯების ანაზღაურებას, მოხუცებულთა, მიუსაფართა და სოციალურად დაუცველთა კვებით და საცხოვრებელი ფართით უზრუნველყოფას, დემოგრაფიული მდგომარეობის გაუმჯობესების მიზნით მრავალშვილიანი ოჯახების დახმარებას და სხვა სოციალურ ღონისძიებებს, რომლებიც მთლიანობაში უზრუნველყოფენ ქალაქის მოსახლეობის სოციალური მდგომარეობის გაუმჯობესებას.

5.2.1 მინიმალური სასურსათო კვების დაფინანსება (პროგრამული კოდი 06 02 01)

ქვეპროგრამის ფარგლებში გათვალისწინებულია სოციალურად დაუცველი (0-დან 100 000-მდე ქულის მქონე) მოსახლეობისა და შშმ პირების 1 900 ბენეფიციარის ერთჯერადი ყოველდღიურად კვებით უზრუნველყოფა.

5.2.2 სარიტუალო მომსახურებები (პროგრამული კოდი 06 02 02)

ქვეპროგრამის ფარგლებში გათვალისწინებულია ომში მონაწილე ვეტერანთა დაკრძალვის ხარჯების ანაზღაურება, თითოეულ ბენეფიციარზე 350 ლარის ოდენობით (მიზნობრივი ტრანსფერის ფარგლებში); ქ. რუსთავის ტერიტორიაზე მცხოვრები მარტოხელა სოციალურად დაუცველ პირთა დაკრძალვის ხარჯების ანაზღაურება, თითოეულ ბენეფიციარზე 150 ლარის ოდენობით.

5.2.3 შეღავათი სასმელი წყლის გადასახადზე (პროგრამული კოდი 06 02 03)

ქვეპროგრამის ფარგლებში გათვალისწინებულია 0–დან 57 000–მდე სარეიტინგო ქულის მქონე საციალურად დაუცველი ოჯახების (1500-ზე მეტი ბენეფიციარი) სასმელი წყლის გადასახადისაგან გათავისუფლება (ბენეფიციართა რაოდენობა ცვალებადია სსიპ – სოციალური მომსახურების სააგენტოდან მოწოდებული მონაცემების მიხედვით).

5.2.4 შეღავათები მუნიციპალურ ტრანსპორტზე (პროგრამული კოდი 06 02 04)

ქვეპროგრამის ფარგლებში გათვალისწინებულია 0–დან 150 000–მდე სარეიტინგო ქულის მქონე საციალურად დაუცველი მოსახლეობის (4 300-ზე მეტი) მუნიციპალური ტრანსპორტით მგზავრობის უზრუნველყოფა (ბენეფიციართა რაოდენობა ცვალებადია სსიპ – სოციალური მომსახურების სააგენტოდან მოწოდებული მონაცემების მიხედვით); ქალაქში მცხოვრები ვეტერანების მუნიციპალური ტრანსპორტით მგზავრობის უზრუნველყოფა (1 500-ზე მეტი ბენეფიციარი); სსიპ-ებისა და სხვადასხვა ა(ა)იპ-ების თანამშრომლების მუნიციპალურ ტრანსპორტზე შეღავათები (2 500-ზე მეტი ბენეფიციარი); სტატუსით უსინათლო შშმ პირთა მუნიციპალურ ტრანსპორტზე შეღავათები (180-ზე მეტი ბენეფიციარი).

5.2.5 ინდივიდუალური დახმარებების პროგრამები (პროგრამული კოდი 06 02 05)

ქვეპროგრამის ფარგლებში გათვალისწინებულია:

- საქართველოს ტერიტორიული მთლიანობისათვის დაღუპულთა ან მიღებული ჭრილობების შედეგად გარდაცვლილ რუსთაველ ჯარისკაცთა ოჯახების, 2008 წლის რუსეთ-საქართველოს ომში და 2004 წლის აგვისტოს თვეში ქართულ-ოსური კონფლიქტის ზონაში დაღუპულ ჯარისკაცთა ოჯახებისა და საქართველოს შეიარაღებული ძალების სამშვიდობო ოპერაციებში მონაწილეობისას დაღუპული ჯარისკაცების ოჯახების კომუნალური (ელექტრო ენერჯია და ბუნებრივი აირი) გადასახადის დაფარვა, თითოეულ ოჯახზე (65 ბენეფიციარი) წელიწადში 500 ლარის ოდენობით;
- ე.წ. მინდობით აღმზრდელი ოჯახების (35 ბენეფიციარი) კომუნალური (ელექტრო ენერჯია და ბუნებრივი აირი) გადასახადების დაფარვა, თითოეულ ოჯახზე წელიწადში 500 ლარის ოდენობით;
- რენტეგრირებული ბავშვების (1-18 წლამდე ასაკი) ოჯახების (20 ბენეფიციარი) კომუნალური (ელექტრო ენერჯია და ბუნებრივი აირი) გადასახადების დაფარვა, თითოეულ ოჯახზე წელიწადში 500 ლარის ოდენობით;
- საოპერაციო მკურნალობების დაფინანსება გეგმიური ქირურგიულ, ონკოლოგიურ და კარდიოქირურგიულ დაავადებებზე;
- რუსთაველში მცხოვრები (რეგისტრირებული) მოქალაქეების, რომელთა სარეიტინგო ქულა არ აღემატება 70 000-ს და ომის/სამხედრო ძალების ვეტერანებისათვის მუნიციპალიტეტი ფარავს C ჰეპატიტი დაავადებულთა სამედიცინო კვლევებს სრულად, ხოლო დანარჩენ კატეგორიაზე აფინანსებს ასანაზღაურებელი თანხის ნახევარს.

5.2.6 უზუცეს მოქალაქეთა დახმარება (პროგრამული კოდი 06 02 06)

ქვეპროგრამის ფარგლებში გათვალისწინებულია რუსთაველში მცხოვრები 100 წლის და 100 წელს გადაცილებული მოქალაქეების (5 ბენეფიციარი) ერთჯერადი მატერიალურ დახმარება, თითოეულზე 300 ლარი.

5.2.7 რუსთაველის მოხუცებულთა სახლის ხელშეწყობა (პროგრამული კოდი 06 02 07)

ქვეპროგრამის ფარგლებში გათვალისწინებულია უმწეო მდგომარეობაში მყოფი მოხუცების თავშესაფრით, კვებითა და სამედიცინო მომსახურებით უზრუნველყოფა.

5.2.8 მოქალაქეთა მედიკამენტებით დახმარება (პროგრამული კოდი 06 02 08)

ქვეპროგრამის ფარგლებში გათვალისწინებულია რუსთაველში მცხოვრები შშმ პირების, პენსიონერებისა და 0–დან 70 000–მდე სარეიტინგო ქულის მქონე სოციალურად დაუცველი მოსახლეობის მედიკამენტებით დახმარება თითოეულზე არაუმეტეს 100 ლარის ოდენობით, ასევე დაიაბეტით დაავადებული 0-18 წლის ბავშვების/მოზარდების გლუკომეტრების შესაბამისი ტესტ-ჩხირების დაფინანსება.

5.2.9 მრავალშვილიანი ოჯახების დახმარება (პროგრამული კოდი 06 02 09)

ქვეპროგრამის ფარგლებში გათვალისწინებულია 0–დან 150 000 ქულამდე სოციალურად დაუცველი მრავალშვილიანი (4 და მეტი 18 წლამდე ასაკის ბავშვი) ოჯახების მატერიალურ დახმარება, თითოეულ ბავშვზე 30 ლარის ოდენობით (833-მდე ბენეფიციარი).

5.2.10 საბრძოლო მოქმედებებში მონაწილეთა და მათთან გათანაბრებულ პირთა ოჯახების მატერიალური დახმარება (პროგრამული კოდი 06 02 10)

ქვეპროგრამის ფარგლებში გათვალისწინებულია:

- 2008 წლის რუსეთ-საქართველოს ომში, 2004 წლის აგვისტოს თვეში ქართულ-ოსური კონფლიქტის ზონაში და სამშვიდობო ოპერაციების დროს დაღუპულ ჯარისკაცთა ოჯახების ერთჯერადი მატერიალური დახმარება თითოეულზე 500 ლარის ოდენობით (12 ბენეფიციარი);
- საქართველოს ტერიტორიული მთლიანობისათვის დაღუპულთა ოჯახების ერთჯერადი მატერიალური დახმარება თითოეულზე 150 ლარის ოდენობით (65 ბენეფიციარი).

- მეორე მსოფლიო ომის მონაწილეთა (13 ბენეფიციარი) ერთჯერადი დახმარება – თითოეულზე 150 ლარი და მათთან გათანაბრებულ პირთა (47 ბენეფიციარი) ერთჯერადი დახმარება – თითოეულზე 80 ლარის ოდენობით.

5.2.11 შეზღუდული შესაძლებლობების მქონე პირთა დახმარება (პროგრამული კოდი 06 02 11)

ქვეპროგრამის ფარგლებში გათვალისწინებულია:

- სტატუსით უსინათლო ბენეფიციარების (195 ბენეფიციარი) კომუნალური ხარჯების დაფარვა (დენი 240 ლარის ფარგლებში და გაზი 240 ლარის ფარგლებში წლიურად);
- აუტიზმის, გონებრივი განვითარების შეფერხების ან დაყოვნების მქონე ბავშვთა (245-მდე ბენეფიციარი) რეაბილიტაციის კურსი წელიწადში ერთჯერადად 600-მდე ან 1000-მდე ლარის ოდენობით;
- რუსთავის ადმინისტრაციულ საზღვრებში მცხოვრებ უსინათლოთა (50 ბენეფიციარი) დახმარების დაფინანსება გამცილებლების მომსახურების კუთხით.

5.2.12 სტუდენტთა სოციალური დახმარება (პროგრამული კოდი 06 02 12)

ქვეპროგრამის ფარგლებში გათვალისწინებულია ერთიანი ეროვნული გამოცდების შედეგად აკრედიტებულ უმაღლეს საგანმანათლებლო პროგრამებზე ჩარიცხული რუსთაველი სოციალურად დაუცველი, იძულებით გადაადგილებული (დევნილი), შშმ სტუდენტებისა და მრავალშვილიანი ოჯახის წევრი სტუდენტების (შემდგომში - "ბენეფიციარი") სოციალური დახმარება წახალისების მიზნით თვეში 50 ლარის ოდენობით. ასევე დაფინანსდება წარჩინებული (შესაბამისი კრიტერიუმები) სტუდენტების სწავლის საფასური თითოეულზე არაუმეტეს 800 ლარის ოდენობით.

5.2.13 სოციალური დახმარებების პროგრამა (პროგრამული კოდი 06 02 13)

ქვეპროგრამის ფარგლებში დაგეგმილია ბენეფიციართა (2870-ზე მეტი) სადღესასწაულო დღეებში სხვადასხვა ნივთებითა და ტკბილეულით დასაჩუქრება.

5.2.14 სახელმწიფო ზრუნვის სისტემიდან გასული ახალგაზრდების დამოუკიდებელი ცხოვრების მხარდაჭერის პროგრამა (პროგრამული კოდი 06 02 14)

ქვეპროგრამის ფარგლებში გათვალისწინებულია სახელმწიფო ზრუნვის სისტემიდან გასული ახალგაზრდების პროფესიული და უმაღლესი განათლების მიღების მხარდაჭერა და სხვა საჭიროებების დაკმაყოფილება.

5.2.15 დიალიზით დაავადებულთა დახმარების პროგრამა (პროგრამული კოდი 06 02 15)

ქვეპროგრამის ფარგლებში გათვალისწინებულია დიალიზის და თირკმლის ტრანსპლანტაციის სახელმწიფო პროგრამაში ჩართული რუსთაველი მცხოვრები და რეგისტრირებული ბენეფიციართა ტრანსპორტის ხარჯის შემცირების მიზნით ყოველთვიური მატერიალური (ფულადი) დახმარება 60 ლარის ოდენობით.

6. მმართველობა და საერთო დანიშნულების ხარჯები (პროგრამული კოდი 01 00)

პრიორიტეტი მოიცავს ისეთ ღონისძიებებს, რომლებიც ადმინისტრაციული ხასიათისაა და ხელს უწყობს სისტემის გამართულ ფუნქციონირებას, როგორცაა მუნიციპალიტეტის მერიის სტრუქტურული ერთეულების, მუნიციპალიტეტის საკრებულოს აპარატის შენახვის ხარჯები, მათ შორის: შრომის ანაზღაურება, საქონელი და მომსახურება და სხვა. ასევე, მოიცავს საჯარო მოხელეთა კვალიფიკაციის ამაღლების ხელშეწყობის პროგრამის ხარჯებს, ბიუჯეტის სარეზერვო ფონდს, წინა წლებში წარმოქმნილი დავალიანებების დაფარვისა და სასამართლო გადაწყვეტილებების აღსრულების ფონდს, სესხის მომსახურებას და ვალების დაფარვის ხარჯებს, მუნიციპალური არქივის დაფინანსებასა და ქვემო ქართლის რეგიონული განვითარების სააგენტოს ხელშეწყობის ხარჯებს. მათ შორის:

პროგრამ. კოდი	დასახელება	2019 წლის პროექტი	2020 წლის პროგნოზი	2021 წლის პროგნოზი	2022 წლის პროგნოზი
01 00	მმართველობა და საერთო დანიშნულების ხარჯები	7 634,6	7 534,5	8 936,0	8 972,3
01 01	საკანონმდებლო და აღმასრულებელი საქმიანობის უზრუნველყოფა	6 194,1	6 509,6	8 157,9	8 322,8
01 01 01	ქ. რუსთავის მუნიციპალიტეტის საკრებულო	1 450,1	1 484,6	1 799,8	1 844,8
01 01 02	ქ. რუსთავის მუნიციპალიტეტის მერია	4 318,4	4 670,0	5 916,1	6 033,6
01 01 03	სამხედრო აღრიცხვისა და გაწვევის სამსახური	285,6	355,0	442,0	444,4
01 01 04	საჯარო მოხელეთა კვალიფიკაციის ამაღლების ხელშეწყობა	140,0	0,0	0,0	0,0
01 02	საერთო დანიშნულების ხარჯები	1 440,5	1 024,9	778,1	649,5
01 02 01	სარეზერვო ფონდი	300,0	300,0	300,0	300,0
01 02 02	წინა წლებში წარმოქმნილი დავალიანებების დაფარვისა და სასამართლო გადაწყვეტილებების აღსრულების ფონდი	2,0	5,0	5,0	5,0
01 02 03	ქალაქ რუსთავის მუნიციპალიტეტის ვალდებულებებისა და დავალიანებების მომსახურება/დაფარვა	976,5	537,9	280,1	137,5
01 02 04	მუნიციპალური არქივის ხელშეწყობა	92,0	92,0	93,0	97,0
01 02 05	ქვემო ქართლის რეგიონული განვითარების სააგენტოს ხელშეწყობა	50,0	50,0	50,0	50,0
01 02 06	მონაწილეობითი ბიუჯეტირების ხელშეწყობა	20,0	40,0	50,0	60,0

6.1 საკანონმდებლო და აღმასრულებელი საქმიანობის უზრუნველყოფა (პროგრამული კოდი 01 01)

პროგრამის ფარგლებში ფინანსდება ადმინისტრაციული ხასიათის ღონისძიებები, რომელიც ხელს უწყობს სისტემის გამართულ ფუნქციონირებას, კერძოდ: მუნიციპალიტეტის მერიის სტრუქტურული ერთეულების, მუნიციპალიტეტის საკრებულოს აპარატის შენახვისა და საჯარო მოხელეთა კვალიფიკაციის ამაღლების ხელშეწყობის პროგრამის ხარჯები.

6.2 საერთო დანიშნულების ხარჯები (პროგრამული კოდი 01 02)

პროგრამის ფარგლებში გათვალისწინებულია სარეზერვო ფონდს მოცულობა, წინა წლებში წარმოქმნილი დავალიანებების დაფარვისა და სასამართლო გადაწყვეტილებების აღსრულების ფონდი, სესხის მომსახურება და ვალდებულებების დაფარვის ხარჯები, მუნიციპალური არქივის დაფინანსებისა და ქვემო ქართლის რეგიონული განვითარების სააგენტოს ხელშეწყობის ხარჯები.

ირაკლი ტაბაღუა

ქალაქ რუსთავის

მუნიციპალიტეტის მერი